



IROMAG

Odlazni studenti



by IROUNMO

U OVOM BROJU

DAN NEZAVISNOSTI BIH

DEBATNO TAKMIČENJE

**SARADNJA SA SREDNJIM
ŠKOLAMA**

8. MART

**"SVIJET U JEDNOM
GRADU"**

RADIONICA O TREŠNJI

Međunarodni dan žena (Dan žena) obilježava se 8. marta svake godine. Tog dana se obilježavaju ekonomska, politička i društvena dostignuća pripadnica ženskog spola.

Prvi Dan žena je obilježen 28. februara 1909. u SAD deklaracijom koju je donijela Socijalistička partija Amerike. Između ostalih važnih historijskih događaja, njime se obilježava i požar u fabrici Triangle Shirtwaist u New Yorku 1911. godine kada je poginulo preko 140 žena.

DAN NEZAVISNOSTI BIH

By IROUNMO

Dan nezavisnosti Bosne i Hercegovine nacionalni je praznik koji se obilježava 1. marta svake godine, a kojim se proslavlja nezavisnost Bosne i Hercegovine od Socijalističke Federativne Republike Jugoslavije.

Referendum za nezavisnost Bosne i Hercegovine održan je na preporuku Arbitražne komisije međunarodne konferencije o Jugoslaviji, u završnoj fazi disolucije bivše SFRJ. Održan je 29. februara i 1. marta, a označavao je opredjeljivanje građana ka budućnosti zemlje, a ujedno je bio i uvod u rat.

Punoljetni građani Socijalističke Republike Bosne i Hercegovine glasali su o nezavisnosti Bosne i Hercegovine na referendumu na kojem je jedino pitanje bilo:

Jeste li za suverenu i nezavisnu Bosnu i Hercegovinu, državu ravnopravnih građana, naroda Bosne i Hercegovine - Muslimana, Srba, Hrvata i pripadnika drugih naroda koji u njoj žive?



Zemlje članice Evropske zajednice su 6. aprila 1992. godine, a dan kasnije i Sjedinjene Američke Države priznale Bosnu i Hercegovinu kao nezavisnu i suverenu državu. Republika Bosna i Hercegovina je 22. maja 1992. godine postala članica Organizacije ujedinjenih naroda. Nažalost, u isto vrijeme oružani sukobi u pojedinim dijelovima Bosne i Hercegovine prerasli su u pravi ratni požar, koji je prouzrokovao ogromne ljudske žrtve i patnje, kao i materijalna razaranja.

Uspješnim otporom građana Republike Bosne i Hercegovine agresiji i zalaganjem Vlade Republike Bosne i Hercegovine za multietničku i demokratsku državu ravnopravnih naroda, BiH je očuvala svoj državnopravni i historijski kontinuitet. U američkom gradu Daytonu 21. novembra 1995. potpisan je mirovni sporazum, čime je neslužbeno završen rat u BiH. Konačni sporazum potpisan je u Parizu 14. decembra 1995. godine, a Dejtonski sporazum potvrdio je Bosnu i Hercegovinu kao samostalnu i suverenu državu u evropskoj porodici država.

DEBATNO TAKMIČENJE

By IROUNMO

Finalni dan Debatnog takmičenja na Univerzitetu "Džemal Bijedić" u Mostaru

U sali za simulovano suđenje na Pravnom fakultetu Univerziteta "Džemal Bijedić" u Mostaru, finalnom debatnom i prezentacijom zaključeno je dvodnevno debatno takmičenje u organizaciji Pravnog fakulteta, Unije studenata Univerziteta "Džemal Bijedić" u Mostaru, Asocijacije studenata Pravnog fakulteta, te uz podršku Misije OSCE-a u Bosni i Hercegovini.

Nakon što je jučer otvoreno debatno takmičenje i održane uvodne debate, u polufinale koje je održano danas plasirale su se ekipe Gimnazija Bugojno 1, Elektrotehnička škola "Salih-Salko Ćurić" 3, "Pro et contra" i Gimnazija Bugojno 2. Ekipe su u polufinalu debatovale na temu: "Treba zabraniti korisničke komentare ispod tekstova na portalima."



U finalnoj debati na temu „Govor mržnje na internetu treba strožije kažnjavati" suočile su se ekipe "Pro et contra" i Gimnazija Bugojno 1, a pobijedila je ekipa Gimnazije Bugojno 1.

Titulu najboljeg debatanta Debatnog takmičenja ponio je Samir Imamović, član ekipe "Pro et contra".

Nakon finalne debate upriličena je prezentacija Pravnog fakulteta i Univerziteta "Džemal Bijedić" u Mostaru, kao i podjela certifikata za sve učesnike i njihove ekipe, najbolje debatante i sve koji su dali doprinos organizaciji i realizaciji debatnog takmičenja.



POTPISAN SPORAZUM O SARADNJI SA SREDNJIM ŠKOLAMA

By IROUNMO



Potpisan Sporazum o saradnji sa srednjim školama

U rektoratu Univerziteta „Džemal Bijedić“ u Mostaru održan je sastanak menadžmenta Univerziteta „Džemal Bijedić“ u Mostaru sa direktorima srednjih škola na području Hercegovačko – neretvanskog kantona i šire. Tom prilikom, rektorica Univerziteta prof. dr. Alena Huseinbegović i direktori srednjih škola potpisali su Sporazum o saradnji koji definiše saradnju između strana potpisnica u oblasti naučne, stručne, poslovne i obrazovne djelatnosti.

Sporazum obuhvata realizaciju aktivnosti kao što je posjeta studenata Univerziteta srednjim školama, zajednička realizacija projekata, razmjena informacija putem predavanja ili prezentacija, zajedničko učešće u organizaciji stručnih i naučnih skupova, seminara i kurseva, saradnja na poslovima izdavanja naučnih i stručnih časopisa, knjiga i drugih publikacija, organizacija stručnog i praktičnog usavršavanja za studente Univerziteta u vidu obavljanja prakse u srednjim školama, kao i uzajamna promocija putem web stranice i društvenih mreža.

Prisutni su istakli zadovoljstvo zaključenjem sporazuma koji će u već u narednom periodu rezultirati implementacijom prvih zajedničkih aktivnosti Univerziteta „Džemal Bijedić“ u Mostaru i srednjih škola.



UNIVERZITET
„DŽEMAL BIJEDIĆ“
U MOSTARU

8. MART

By IROUNMO

Povodom obilježavanja 8. marta – Međunarodnog dana žena, u okviru UNIGEM projekta, na Univerzitetu "Džemal Bijedić" u Mostaru održana su predavanja sa radionicom i diskusijom pod nazivom: "Ljudska prava žena: pravni i sociološki aspekti" za studente i studentice. Predavanja su održana 7. marta 2023. godine sa početkom u 11:15 sati na Pravnom fakultetu Univerziteta "Džemal Bijedić" u Mostaru (sala IV godine, prizemlje).

Na predavanju sa radionicom i diskusijom učestvovali su:

prof. dr. Alena Huseinbegović – rektorica Univerziteta "Džemal Bijedić" u Mostaru;

prof. dr. Rebeka Kotlo – koordinatorica projekta UNIGEM za Univerzitet "Džemal Bijedić" u Mostaru;

prof. dr. Merima Jašarević sa Nastavničkog fakulteta Univerziteta "Džemal Bijedić" u Mostaru.



Projekat "Uvođenje rodno osviještenih politika u visoko obrazovanje" (UNIGEM) finansijski podržava Ambasada Ujedinjenog Kraljevstva, a njegovu implementaciju koordinira TPO fondacija te projekat provodi u partnerstvu sa 19 univerziteta u Bosni i Hercegovini, Srbiji, Hrvatskoj i Crnoj Gori, među kojima je i Univerzitet „Džemal Bijedić“ u Mostaru.

Projekat se implementira sa ciljem prevencije i borbe protiv rodno zasnovanog nasilja, diskriminacije i seksualnog uznemiravanja te osiguranja integriteta i kvaliteta u visokom obrazovanju.

"SVIJET U JEDNOM GRADU"

By IROUNMO

Ministar obrazovanja, nauke, kulture i sporta HNK, dr. sc. Rašid Hadžović ugostio je Iman Dilberović, studenticu 2. godine Studija turizma na Univerzitetu „Džemal Bijedić“ u Mostaru povodom realizacije projekta „Svijet u jednom gradu“.

Projekat „Svijet u jednom gradu“ podrazumijevat će učešće 30 učenika Koledža ujedinjenog svijeta u Mostaru iz 30 različitih zemalja koji će svoju tradicionalnu nošnju predstaviti na Starom mostu, i to 4. aprila u 14 sati, a cilj je promovirati turizam, kulturu, tradiciju i obrazovanje. Resorni ministar izrazio je podršku realizaciji projekta. „Doista mi je drago što naši studenti imaju odlične ideje koje doprinose našoj zajednici. Projekat Iman Dilberović i njenih saradnika vrijedan je pažnje. Zato će Ministarstvo podržati ovaj projekat koji će, siguran sam, doprinijeti promociji Mostara i Univerziteta 'Džemal Bijedić' u Mostaru“, kazao je resorni ministar.

Također, cilj je napraviti promotivni video koji će se prikazivati na različitim medijima i društvenim mrežama.

Studentica, Iman Dilberović zahvalila je ministru Hadžoviću na prilici da predstavi projekat. „Na ovom projektu radim u saradnji s voditeljicom Studija turizma, Amelom Piralić zajedno sa Koledžom ujedinjenog svijeta u Mostaru. Već četiri do pet mjeseci radimo na ovom projektu. Uzevši u obzir činjenicu da oblast turizma treba stalno unapređivati, došla sam na ideju da realizujemo ovaj projekat kojim ćemo ujedno doprinijeti i promociji Studija turizma, Univerziteta 'Džemal Bijedić' u Mostaru i našeg grada. Ovu priliku koristim i da Vas na ovaj za nas veliki događaj“, kazala je Iman.



ODRŽANA RADIONICA O TREŠNJI

By IROUNMO

Studenti i profesori sa Univerziteta Džemal Bijedić u Mostaru aktivno su učestvovali u radionici o trešnjama na Agronomskom i prehrambeno-tehnološkom fakultetu Sveučilišta u Mostaru 09.03.2023.

Profesorica Lynn Long i Marlene Long održali su radionicu. Profesor Long se dugi niz godina bavi selekcijom trešanja, selekcijom podloga i uzgojnim oblicima. Pridonio je širenju patuljastih podloga i novih sorti trešnje u komercijalnim voćnjacima u SAD-u. Vodi uzgoj i selekciju od 1996. godine i savjetnik je. Prof. Marlene Long se bavi kvalitetom plodova nakon berbe.

Radionica je bila podijeljena u dva dijela, praktični dio i teoriju. Predavanja su održana na Poljoprivredno-prehrambeno-tehnološkom fakultetu Sveučilišta u Mostaru, a demonstracija rezidbe u zasadu trešanja u Jaffa Komerc doo. Mostar.



IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

